

Arubaanse Courant

SPRITZER FUHRMANN A HABRI OPTICA MODERNA DEN NASSAUSTRAT

NA LUGA DI CHAMPANJA
FLS. 1000.-- PA A.R.C.A.

ORANJESTAD - Diarazon atardi cuat'or Spritzer & Fuhrmann Aruba N.V." a habri un negoshi especial den ramo di bril y articulan optico, cual ta hiba e nomber di "Optica Moderna". E negoshi aki ta situa den un edificio cual a worde construi especialmente pa esaki y ta situa dilanti Spritzer & Fuhrmann den Nassaustraat. E construcion di e edificio, cu a worde projecta pa e arquitectonan Fresco & Roovers, a worde traha door di Bouwmaatschappij Aruba N.V. E instalacion electrico a worde haci door di Elga Aruba N.V. y e instalacion di airconditioning door di N.V. Antilliaanse Mij. Gebroeders Van Swaay.

E ultimo inventonnan ariba tereno di aparato optico ta pone e personal di "Optica Moderna" na disposicion di sirbi e cliente cu produccion di exigencia di mas halto. E taller moderno por worde observa for di e negoshi, door di cual e interesadonan tin e oportunidad di sigi e elaboracion di glas bruto pa glas fini optico cual ta responde na e exigencia di e recept pa glasan pa bril. Entre otro tin e metodonan mas nobo pa safety glass. E safety glasan aki ta surpasa un test na unda for di un altura di 1.27 meter un pida staa di dos cm hanchu ta kai ariba e glas di bril. Un bril cu e glasan aki ta proteje e.o. wowo di esnan cu door di nan trabao ta core peliger y tambe ta apropiado pa muchanan cu awor por haci sport na un manera mas sigur. E control final ta ser haci posibel door di e "projection focimeter", cual te cu awor ta garantiza un grado preciso.

BUNITA GESTO

Manera a bira un tradicion na Spritzer & Fuhrmann e apertura di e negoshi aki tambe a tuma lugar sin acontecimientonan festivo. E directiva ta di opinion cu e placa cu ta worde gasta na esaki lo por tin un mihor doel y asina a obsequia un cheque di Fls. 1000,- na presidenta di e consoho pa obranan caritativo (A.R.C.A.), sra. A.C. Jakobs.

Tambe tin pa e venidero diez-dos lunanan 50 kaarchi bril na disposicion pa esnan di Aruba cu no tin medio pa cumpra un.

Pa esey 50 kaarchi lo worde deponi na e secretariado di A.R.C.A. na unda tur institucion caritativo por presenta nan recomendacion.

Despues di e apertura oficial di "Optica Moderna" e invitadonan a ser invita pa un brindis den Cactus Inn Hotel.

E invitadonan cu a asisti na e ceremonia di apertura a worde presenta na e directiva nobo di adjunct-directeur na Aruba sr. A. Th. Blok. E miembronan di e directiva ta sr. Ch. E. Guhrmann, director, sr. J. Althuis, director sr. J. de Vries, adjunct directeur y sr. J.T. Klouwens, apoderado.

Despues e invitadonan a bai den e edificio nobo na otro banda di Nassaustraat. Despues di un palabra di bo n bini, sr. Blok a duna un splicacion tocante e negoshi nobo.

MIHOR SERVICIO

Cu e departamento optico di Spritzer & Fuhrmann a worde traslada pa un edificio aparta pa motibo di e clientela creciente y pa duna un servicio mihor y lihe na e publico cual awor sin worde stroba door di bendemento di otro articulan por escoge su bril na gusto. Den e departamento elegante y espacioso di venta aki, tin un variedad grandi di montura di bril, bril di solo, verrekijker y otro articulan optico cual e cliente por observa na un manera espacioso.

E negoshi especial aki ta bao direccion di sr. Mike Hagedoor, ya mas cu binti anja di servicio, for di cual 12 anja como cheftopicien den e negoshi na San Nicolas, y Jane Lampkin, kende dos anja pasa despues di a worde diploma na Hulanda como opticien a drenta den servicio di Spritzer & Fuhrmann.

E direccion di e negoshi y departamento optico di Spritzer & Fuhrmann na San Nicolas lo worde tuma over pa sr. R. van Rooyen, naci na Aruba, kende tambe a hancia su diploma di opticien na Hulanda.

CUBANONAN PA VIETNAM

TOKYO -- UPI -- Prensa norvietnames awe a revela cu un delegacion Cubano, encabezá pa presidente di Cuba, Osvaldo Dorticos y comandante Raul Castro, vice promer minister y minister di Forsanan Armá, a yega Hanoi, capital di Vietnam del Norte

E corant di gobierno, Nhan Dan, awe a publica un foto di e presidente Norvietnames, Ho Chi Minh, brasando Dorticos. Cu cabesnan grandi na Spanjo y Vietnam, e corant ta anuncia yegada di e delegacion Cubano. Huntu cu e presidente Cubano y Raul Castro, ta forma parti di e delegacion, e comandantenan Sergio Del Valle y Julio Garcia Oliver.

E editorial ta bisa qu e apoyo Cubano na Vietnam del Norte ta un apoyo sin reserva poderoso di tur banda y sumamente precioso y qu "pueblo Cubano ta cla pa ehecuta e promesa qu Fidel Castro a hasi di qu nan ta dispuestu na duna tur nan sanger na Vietnam.

E presidente Cubano a declara qu e lucha di Vietnam del Norte lo bira mas intenso pero e tabatin e conviccion firme di qu e victoria final lo ta pa e comunistanan.

"Nos ta comprende qu ta deber di nos tur pa duna respaldo na e lucha di pueblo Vietnames riba e manera mas amplio posibel, tantu moral como material, politica y militarmente.

Ho Chi Minh a tuma despedida di e delegacion Cubano, brasando Castro y Dorticos efusivamente

y gritando na final: "Hasta la vista".

E corant a scirbi qu e bishita di e delegacion Cubano a inspira e pueblo Norvietnames grandemente den su lucha contra e agresornan mericano. E corant a termina bisando cu Ho Chi Minh a manda un saludo pa hubentud Cubano, qu ta bisa lo siguiente: "Por favor sunchi hubentud Cubano hopi pa mi y tumbé e hoben pioneronan di parti di nan Tio Ho."

Krag a renuncia

COPENHAGUE -- Promer ministr social democrata, Jens Otto Krag a entrega renuncia di su gabinete na prinses Margarita ayera nochi despues di un debate dramático den Parlamento riba e politica di belasting di su Gobierno.

BONN -- E grupo parlamentario democrata cristian di Alemania a pone e hefe di gobierno di e Republica Federal aki Ludwig Erhard den un pijnbank pa resolve e crisis politica den plazo di cinco dia of cede e puesto na un otro persona.

POR HANJA VISA MAS FACIL PA BAI VENEZUELA

WILLEMSTAD- Segun un comunicado cu nos a ricibi for di Consulado General di Venezuela, Sr. Francisco Leidenz E. a logra establece un areglo nobo pa Antiyanonan cu ta biba na Corsow i tambe e estranjeronan cu ta biba na Corsow, cu esakinan por viaja pa Venezuela, como turista sin tin cu hasi uso di tur e tramites cu tabata tini cu tuma lugar den pasado. Esaki a ser hasi pa pone Antiyanonan por viaja pa Venezuela mas facil i conoce e lugar aki mas mihor. E areglo nobo aki ta den vigor for di dia promer di e luna aki. Asina ta cu Antiyanonan cu ta biba na Corsow i tam-

be estranjeronan cu ta biba na Corsow por hasi uso di e sistema nobo aki hanja na n visa pa bai Venezuela i esaki ta ser duna den menos cu mei ora. Tur loque e personanan tin mester di dje ta 3 foto tamano di pasaporte, nan paspoort i tambe nan pasaje di ida i regreso di Corsow.

Door di un pregunta cu a ser hasi pa un periodista na Consul di Venezuela, esaki a contesta cu gobierno di Venezuela tin interes di amplia i mehora e relacionnan cu ta existi actualmente entre Venezuela y Antillas Neerlandes i door di esaki Antillanonan por conoce Venezuela mihor.



Sr. Eulogio Wever, den centro, ricibiendo felicitacionnan na ocasion di e apertura di "La Esperanza Discount House" den e edificio di ex-comisario di Lago, ayera mainta pa diez'or.



Un parti di e multitud cu ayera mainta a agrupa dilanti e edificio di "La Esperanza Discount House" pa probecha pa compra e comestiblenan barata.



Un bista riba algun di e rekkinan di comestibles di calidad den e "La Esperanza Discount House" cu ayera mainta a habri su portanan pa e pueblo di San Nicolas.



LONDON -- Radiophot --UPI -- E portero Checo Ivo Viktor na nian robes ta bai suela, pero toch ta trece salvacion riba un tiru di delantero britanico Geoff Hurst den center, den e partido cu a termina sin anotacion entre e seleccion checo y seleccion ingles cu ta campeon mundial.

PAPA PAULO VI KIER LOGRA PAZ NA VIETNAM PROMER CU PASCU

CIUDAD DEL VATICANO -- UPI -- Papa Paulo Sexto ta tratando di logra un armisticio navidenjona Vietnam, cu suspension di e bombardeonan aereo norteamericano riba Vietnam del Norte

como prome paso pa e meta ey, segun fuente haltu di Vaticano a de clara ayera nochi.

Papa tabata reuni durante di 40 minuut qu e enviado presidencia norteamericano Averell Har-

riman y nan ta kere qu e sobe-rano pontifice a trata su plan-nan cu e ex-gobernador di e esta-do New York.

Ni Harriman ni Vaticano a bisa riba ki temanan a ser trata den

e audiencia priva aki, di un dura-cion extra largu, aunke e envia-do diplomatico norteamericano a anunciaprome di esei qu e tabatin idea di discuti e guerra di Vietnam y e resultado di e con-ferencia di Manila cu e Sumo Pon-tifice.

Papa Paulo Sexto, quende a re-gla e armisticio corto di Pascu anja pasa a referi diferente bia-ha den su reciente pronuncia-mientonan riba necesidad pa cu-minsa negociacionnan pa ponefin ne conflicto.

E fuente informativo a mani-festa qu Papa tabatin fe den qu suspension di e bombardeonan aereo y e armisticia lo por cu-minsa bastante prome qu Pascu mes. Anja pasa e tregua di Pas-cu a cuminsa te vispera di Pascu y a termina dia 26 den oranan di marduga.

E segundo armisticio a tuma lu-gar en relacion cu e anjanobo vietnames y cual a termina des-pues di tres dia cu bringamentu

nan na terra, aunke qu e nor-teamericanonan a suspende e bom-bardeonan aereo di Vietnam del Norte durante un luna.

BLANCUNAN TA BANDONA ZAMBIA

KITWE (Zambia) --Mas di 1000 minero di e zona ricu a k for di trabao a raiz di e inc-dente racial tragico qu a tui-lugar durante fin di siman ult-mo, den cual un mucha muher-perde su bida mientras cu otro persona akeda herida d-rante bringamentu entre un gr-po blancu y un di color. Tin i-dicacionnan grandi qu ehenden-ta bai sali for di e region e

SANTO DOMINGO -- UPI --Fu-cionarionan politico a acusa comunistapan a hafia control d-Partido Revolucionario Domi-cano di cual Juan Bosch ta lide

Antonio Martinez Francisco, secretario general qu a ser de-pedi dialuna, a acusa Bosch di busca pa crea un caos den pais.



BEKENDMAKING

betreffende

de OPENBARE AANBESTEDING

van de E.E.G.-projecten 11.41.201, 11.41.202 en 11.41.203.

HET LEVEREN VAN GOEDEREN TEN BEHOE-VE VAN DE INRICHTING VAN SCHOLEN OP CURACAO, BONAIRE EN SINT EUSTATIUS.

INLICHTINGEN

zullen instede van "tot en met 23 december 1966 bij de Directeur van het Technisch College St. Paulus, Salinja Abao, Curacao-Nederlandse Antillen" verkrijgbaar zijn tot en met 28 december 1966 bij het Adjunct Hoofd van de Af-deeling Onderwijs en Cultuur van het Eiland-gebied Curacao, Scharlooweg 29, Nederlandse Antillen.

NOTA VAN INLICHTINGEN

ligt in plaats van "vanaf 23 januari 1967" vanaf 16 januari 1967 ter inzage op de adressen, wel-ke vermeld zijn in het desbetreffende bericht van openbare aanbesteding, gepubliceerd op vrij-dag 28 oktober 1966.

De Administrateur van Financiën,
Drs. B.M. LEITO

ATENCION PUEBLO DI ARUBA! ESAKI TA REALIDAD

Nada di Chens

Gana placa of Ron unbez

TUR HENDE TA GANA!!

SIBONNE e RON di halta calidad

SIN RIFA

ta ofrece na consumidores

di SIBONNE lo siguiente

Premios bau di tapa

S Fls. 1.--
I Fls. 2,50
B Fls. 5.--
O Fls. 10.--
N 1 botter 24/2 gratis
N2 1 botter 48/4 gratis
E Fls. 25.--

Premio di Fls. 25.--
letra E mester cam-bia na oficina di
Mercurius Trading,
Fergusonstraat 116.



PA SABOR Y CALIDAD

RON SIBONNE!

Cambia premios, botternan y tapas na tur rumshop y tienda favorit!

HERSENGYMNASTIEK
ESCOLAR

ORANJESTAD - Den e di ocho
encuentro di hersengymnastiek
escolar cu a tuma lugar diarazon
anochi den studionan di Radio
Kelboom, Juliana School a de-
rota Mon Plaisier College cu un
score di 22-9. Ya den e prome
rond Juliana School tabata adilanti
cu un puntacion di 9-1. Den e di
dos rond di preguntanan individual
e puntacion a acumula 20-7 favore-
ciendo Juliana School. Den e pre-
gunta pa henter e grupo pa hanja
e persona misterioso, kende ta-
pata Fidel Castro, tur dos a han-
ja dos punto. E score final tabata
22-9 na favor di Juliana School.
Diarazon awor pa nueb'or di
anochi lo enfrenta otro Sint An-
tonius College di Santa Cruz y
Sint Filomena College di San
Nicolas.

DE VEER THEATER
ta presenta
dia 5, 6, 7, y 8 di Nov.
PAUL NEWMAN
den e pelicula



"The
Moving
Target"

ENTRADA: Fls. 2.00



EL REY
DEL TRAGO
Tin un
SORPRESA
Pa su consumidornan.
MIRA BAO DI E
APA DI CADA
BOTTER
RON REY
DE COPAS
Pa mas informacion:
Aruba
Distilling Co.

BOBBY CASSIDY A
GANA CELESTINO LEMA

NEW YORK -- UPI -- E boxeo
estado-unidense Bobby Cassidy
a derrota e argentino Celestino
"El Gato" Lema pa decision una-
nime den un pelea di ocho round.
Lema a ser derrota dos blaha
den e pelea, den e prome y se-
gundo round.
Cassidy a manda su adversa-
rio den prome round cu un serie
di slanan di tur dos man. Den e
segundo el a manda tera cu un
potente derecho.
E pelea estelar, a ser reali-
sa den Sunnyside Gardens, Cassi-
dy cu record di 25 victoria den
30 pelea a pisa 72,5 kilo contra

72,8 di Lema cu tin record di
22-2-4.
Resultadonan di peleanan pre-
liminar:
Jose Pickett di Puerto Rico a
gana Bobby Little pa punto den
seis round.

Bob Harrington di Estados
Unidos a vence Gene Papia di
Puerto Rico.
Herb Brown di Estados Unidos
a vence Joe Vasquez di Puerto
Rico pa punto den cuater round.
Carmelo Hernandez di Puerto
Rico a vence Don Andrews pa
punto den seis round.

ITALIA A DERROTA
RUSIA CU SCORE
MINIMO DI 1-0

MILAN -- UPI -- E seleccion
nacional di futbol di Italia a do-
mina Union Sovietica totalmente
ayera y a gana cu score di 1-0
den un partido amistoso cu a ser
efectua den e estadio local San
Sito.



TALK OF THE TOWN
E modeshow pa "Un Yuda
Otro" tabata un exito grandi.
Mi tabata mas sorprendi di por
tabata na disposicion pa pone
1000 hende rond di e piscina.
E senjoritanan tabata bunita
y adorable y e show di bikini
tabata mes bon cu un demonstra-
cion di artistanan di cine. Sra.
Louisa Oduber tambe tabatin
idea di participa pero su bikini
a desaparece. Lastima. Pero
un proximo blaha mas suerte.
Mi respet y felicitacion na sra.
Louisa Oduber como organisa-
dora y sra. Gladys Zuidan pa su
inspiracion y perseverancia pa
pone e brug riba e piscina.
Diasabra anochi tin cocktails
pa miembronan di Credit Union
entre 8 y 9 'or riba e teraza.
"Sensacion Musical" ta riba e
"Palm Terrace". No lubida di
cumpra bo kaarchinan, Fls. 5,-
pa dos persona. Esaki lo bira
un tremendo fiesta na honor di
e 20 anja di existencia di "St.
Thomas Onderwijzersbond".
"Aruba Sextet" ta toca den
"Talk of the Town" hunto cu un
banda nobo di "Talk of the
Town" esta "The Mica Kings".
No tin cover charge, no tin
ningun charge, solamente un
consumo minimo di dos dollar
Mericano pa persona.
Diadomingo landamentu y haci
uso di nos sabroso bar-b-q,
1.35 dollar Mericano, pa per-
sona. Nos tin tur anochi dispo-
nibel lobster fresco y nos deli-
cioso "Swiss Beef Fondue".

E 75,000 personanan cu a for-
ma e publico a aplaudi e centro
delantero italiano Guarneri cu a
marca e unico gol di e encuentro
na di 23 minuut di e prome tem-
po.

Por lo menos den tres ocasion
mas e italianonan tabatin opor-
tunidad pa marca gol, pero nan a
faya dennan insistencia pa brinda
cu elegancia.

E localnan a impone den ofensi-
va di e partido, efectua riba un
dia perfecto y riba terreno seco.
E sovieticonan nan ningun mo-
mento tabatin oportunidad di cu-
minsa un ofensiva, aunke nan a
topa cu un defensa bon cerra.

E gol di Guarneri a sosode
durante un hugada rapido dilanti
gol ruso.

E keeper sovietico Jascin a
bula pa captura e bala, pero e
cuero a sali for di su mannan.

Jascin a hunga brillantemente,
mescos cu e portero italiano Sar-
ti, cu den e ultimo minuutnan a
trece salbacion riba un tirupeli-
goso di un di e delanteronan so-
vietico.

Den un esfuerço pa empata e
score, e sovieticonan a habri e
segundo tempu mandando Afonin
riba terreno na lugar di Andriuk.
Poco despues nan a bolbe cambia
un hungador -- Porkujan pa Li-
vn -- pero e cambio aki tam-
poco no a duna resultado.

E unico substitucion italiano
a sosode den e etapa comple-
mentaria, ora cu Landina reem-
plaza Bianchi.

Ora e dos clubnan a subter-
reno nan tabata forma pa e si-
guiente hungadornan:

ITALIA:
Sarti, Burgnich, Fachetti, Bian-
chi, Guarneri, Picchi, Dominghi-
ni, Mazzola, de Paoli, Giuliano
Corsou.

UNION SOVIETICA:
Jascin, Andriuk, Soesternev, Da-
nilo, Linez, Urtsilava, Cislenco,
Sabo, Malafiev, Streltsov, Biske-
vuetz.
REFREE: Gardezabal di Es-
panja.

EXPRESIDENTE DI
WIT GELE KRUIS
TA BINI CORSOW

Senjor van de Laarschot ta funda-
dor di e organisacion Het Wit
Gele Kruis y tabata durante 15
anja largu presidente di e orga-
nizacion.

WILLEMSTAD -- For di e comi-
sion di hubileo na Hulanda, Wit
Gele Kruis a ser informa qu
senjor E. van de Laarschot lo
bini Corsow cu su casa en re-
lacion cu e 25 anja di existen-
cia di Wit Gele Kruis.

"ARUBAANSE COURANT"

(Diario Informativo, No. 1 di Aruba)

Edita pa: Arubaanse Drukkerij, Uitgevers & Publiciteits Mij. N.V.

Imprimi pa: "Drukkerij De Stad N.V."

Abono: fl. 3.25 pa luna.

Anuncios y Administracion: Tel. 1116
Redaccion y Subscription: Tel. 2116

Anuncios: E. Ch. Samson (tel. cas: 2944)
Redaccion: R.E. Tromp (tel. cas: 2316)
I.D. Cordeiro (tel. cas: 2597)

Seguros Caracas

ESTE ESCUDO PROTEGE SU HOGAR

PA LUNA DI NOVEMBER NOS TA
SUPLICA TUR HENDE CU TIN
UN BONO POPULAR CU NUMBER

705

PA PASA NA OFICINA SITUA NA
BRIONPLEIN 4(O) PA ATENDE
ASUNTO DI SUMO IMPORTANCIA.

GRANDIOSO CONCURSO

PARTICIPA DEN E GRANDIOSO CONCURSO DI

N.V. WARENHUIS VAN DER REE

/LA VICTORIA

Durante lunanan Augustus, September, October, November, y
December 1966 y gana un di e famoso auto.

AUSTIN MINI SUPER DELUXE

Cu cada compra di f. 10.- of mas bo ta ricibi un formulario
pa participa. Mas formulario bo entrega mas chance bo tin pa
gana e bunita auto.

AUSTIN MINI SUPER DELUXE

Bin mira e auto AUSTIN MINI den nos pacus, y no perde tempo
pa tuma parti den e Grandioso concurso aki.

Resultado ta ser anuncia dia 31 di December 1966 pa 4'or p.m.

RESULTADONAN DI FUTBOL

LONDRES -- UPI -- Loke ta sigi
ta resultadonan di e encuentro
hunga ayera nochi na Europa den
competencianan internacional:
Copa di Nacionnan Europeo
(eliminatorio) na Bucarest: Ru-
mania 4 - Suiza 2.
Exhibicion internacional na Wem-
bley Inglaterra 0 - Checoslova-
quia 0.
Copa di Ciudadnan den feria se-
gunda buelta:

Ferencvaros (Hungria) 7 Oer-
gryte Goteborg di Suecia 1.
Dynamo Zagreb di Yugoslavia 2
- Dumfermline di Escocia 2, awor
tin empate di 4-4 entre e dos e-
quiponan aki.
Kilmarnock Escocia 7 - Am-
beres di Belgica 2. Kilmarnock
ta gana 8-3.
Napoles di Italia 2 - Odense 1,
West Bromwich 1 - Utrecht, In-
laterra 1.

Carta di Horecaf
pa Hotel Curacao

WILLEMSTAD -- Dia 19 di oc-
tober ultimo Bond di Horecaf a
manda un carta pa directiva
di Hotel Curacao Intercontinental
locante e clausula denCodigo
Civil qu ta bai riba e pago di
salario durante enfermedad of
desgracia durante corto tempu.
Den su carta Bond Horecaf a
pidi directiva di e hotel pa
nan hanja un lista di tur e
casonan di enfermedad of des-
gracia pa corto tempu di e
ultimo anjanan.
Directiva di Hotel Curacao In-
tercontinental a informa Bond
Horecaf qu nan consehero huri-
dico ta investigando e caso.
Aparentemente e asunto aki ta
di gran interes pa e diferente
vakbondnan local pasobra ya dife-
rente di nan a pidi pa consulta
riba e asunto aki.

Bao di su direccion Wit Gele
Kruis a bira un organisacion
social formal y den practica-
mente fundacion di tur filial di
Wit Gele Kruis e tabatin un
participacion activo mientras
aparte di esaki e tabata hopi
anja largu presidente di Mon-
seigneur Verriet Instituut.
Actualmente senjor van de
Laarschot ta burgemeester di
Lith na Noord Brabant.
Diamars 8 di November senjor
van de Laarschot ta ser spera
na Hato.

NOBO NOBO NOBO
NASSAUSTRAT 34
Nos a ricibi tela nobo pa e
dianan di fiesta venidero.
Tweed masha bunita pa traha
deux-piece, Gabardine for di
Hulanda. Tela pa cortina cu
diseños masha bunita. Pa bon
calidad di tela naprijsbarata,
acudi serca nos.

PAGINA DEPORTIVA

PRESENTA

PA:



REMITIDO

Sr. Redactor, pa e medio aki mi ta pidi sr. redactor permiti-mi un espacio den Arubaanse Courant e courant mas lesa aki na Aruba.

Abuso di referee

Den e ramo di deporte Rey di Aruba voetbal lastimamente tin referee(nan) ta comete abuso barbaro principalmente cu teamnan di campo, por ehempel diasabra 29 di oktober atardi tabatin un wega di A-klasse den Wilhelminastadion entre Jong San Nicolas y Aruba Jrs. cual a termina cu score abulta di 16-0 na favor di Aruba Jrs. Awor hopi lo kier puntra ta di con e score ta asina halto esey ta exclusivamente pa mal actuacion di e referee cu a digi e wega y na kende mi tin cu bisa cu e no ta sirbi ni pa fluit pa dos team di burico pasobra siendo un animal lo e realiza cu e referee no ta sirbi y lo pase dos pata. Awor mi kier puntra na e gran referee aki pakiko ora cu linesman ta hisa bandera pa offside bo no ta fluit, wel mi ta bisa bo pakiko, pasobra bo tin miedo di e hungadornan di Aruba Jrs y pasobra nan ta di Playa, y mi tin prueba cu bo tin miedo, pasobra na un dado momento un di e hungadornan di Aruba Jrs a papia algo cu bo no a gusta y bo a duna e hungador aki un waarschuwing, un rato despues e mesun hungador aki ta bolbe ripiti e mesun cos y mesora bo ta ordena e hungador aki pa sali for di terreno, na e mesun instante e captain di Aruba Jrs. ta corre yega cerca bo ta papia cu bo y ta bai man

riba lomba y e hungador cu bo a ordena pa sali ta sigi hunga, esaki ta mas prueba cu bo tin miedo di nan. Awor mi kier puntra na e bondnan di referee cu si ora un persona ta inscribi su number pa fluit wega si e persona aki ta hanja un test of algo por estilo cu por demostra cu e persona aki ta capaz pa haci tal, pasobra awor a para bira cu ta pushi y cacho ta subi veld cu uniform pretu di referee bisti cu fluit den boca pa fluit sin cu ni sikiera nan sabi cu un bala ta fondo of cuadra. Tambe mi kier puntra na A.V.B. cu mester paga miles di florin na e bondnan di referee tur anja cu si A.V.B. sabi cu tin algun di e refereeenan aki cu no ta sirbi ni pa waak wega o corda pa nan fluit wega pa publico mira.

Mi kier pa lectornan compronde mi bon, cu no ta pa rabia pasobra nos a perde 16-0 mi ta pone e remitido aki den courant y lanza critica contra e referee cu a dirigi e wega, noy mil veces no, pasobra si nos perde 20-0 of 30-0 no ta nada pero nos kier perde husto y cu referee cu conoce reglamento di voetbal.

Si algo mester wordu haci pa tene voetbal na e nivel cu e ta actualmente, anto mester cuminsa pa elimina e payasonan aki cu ta kere cu ta gran referee nan ta. Pa termina mi kier duna mi amigo referee cu a dirigi e wega Jong San Nicolas y Aruba Jrs. dos conseho, di promer, bai sinja hopi nias di voetbol pa asina otro blaha cu bo mester fluit wega pa nos bo no hanja bo den dificultad, di dos, ora cu bo a sinja algo mas di voetbal promer cu bo bai dirigi un wega bebe un botter di whisky pa asina bo hanja poco brillo. Sr. Redactor di antemano un millon di danki.

Un hungador di Jong San Nicolas
Raymundo Kock

NOTA DI REDACCION

Detenidamente nos a lesa e remitido di sr. Raymundo Kock y nos por a saka varios punto bon for di e remitido, pero tambe varios malo; bon, nos ta hanja por ehempel su sugerencia haci na e organizacionnan encarga cu nombramento di referi pa dirigi weganen di campeonato local di futbol. E realidad, meskos cu tin hungador bon y hungador malo tin tambe referi bon y referi malo. Naturalmente simplemento no a duna cada hende e mes hopi of mes poco capacidat. Esaki ta algo aplikabel na tur cos den e mundo aki. Ta e realidad consehabla pa e referinan sigi un curso y pasa un test promer cu nan tuma e responsabilidad serio di dirigi un wega. Awor den caso mes cu un persona cu ta desea di dedica su tempo liber na yuda e deporte di futbol y ta sigi un curso di referi pasando finalmente sutest cu exito, esey no ta garantisa cu e persona ey, cu tur respet y admiracion pa su buena voluntad lo ta un bon referi. Nos ke aclarea cu esaki cu no ta necesariamente un test ta converti un persona den un bon referi. Sigur ta cu un curso y test ta algo util y ta e principio cu un referi mester tin. A yega di worde organiza curso na Aruba pa referi, pero e curso no a worde completa. Tin persona na Aruba cu oficialmente ta autorisa pa por duna les na referinan aspi-

rante. Y en realidad ta un bon idea pa organisa un curso especialmente pa e novatonan pero cu tambe lo sirbi pa refresca memoria di e veteranonan.

Tambe nos ta hanja bon den e remitido cu atencion di A.V.B. ta worde pidi pa e problema. Cu esaki nos no ta dunando e remitente razon di cu e referi di e partido en cuestion entre Jong San Nicolas y Aruba Jrs. a dirigi malo, ya cu nos a presencia e wega completamente.

Sinembargo e asunto di referi ta un problema no unicamente pa e clubnan sino tambe pa esun nan encarga cu nombra referi for di nan organisacionnan pa dirigi e weganen. E cantidad di persona disponibel pa esaki no ta grandi, mientras cu si e cantidad di weganen ta hopi.

En relacion cu loke e remitente ta puntra e referi, esta cupakiko e no ta fluit pa offside ora cu e linesman ta hisa bandera, nos tin di remarca cu un linesman ta un ayudante di un referi. Ora cu referi no ta haci caso di un indicacion di e linesman mester worde acepta cu ta pasobra e referi no ta di mes opinion cu e linesman. Den e caso aki ta e palabra di e referi ta manda ya cu ta e tin e direccion di e wega den su man. Ta pasa caso cu un referi ta consulta cu un linesman y e ora ta tuma of cambia un decision, pero esey ta proba cu e referi a duda na cierto

momento. Ta na e momento-nan aki di duda e linesman tin su gran utilidad. E hisamento di banda ta tuma lugar cada blaha cu segun e linesman un infraccion ta tumando lugar, pero esey ta su opinion y e referi tin tur derecho di mundo di tin otro opinion. Y ta e referi tin ultima palabra.

Awor nos ta bai ariba un punto fatal den e remitido. Y esaki ta caminda e remitente ta lansa e acusacion serio di cu tin referi (nan) ta comete abuso barbaro principalmente cu teamnan di campo. Cu un persona ke hanja mal direccion di referi un abuso esey ta su derecho di opinion, pero ora cu e personanan ke culpa e referi(nan) di cierto dis-

criminacion contra teamnan di "campo", wel, esey nos ta hanja un sistema di pensa completamente fout. Ta un sistema di pensa cu ta crea enemistad y esaki no ta loke deporte t'e pa hasi. Al contrario.

Lastima ta sinembargo cu te hasta personanan cu puesto halto den nos mundo di futbol a yega di usa semehante expresionnan. Den nos opinion ora cu un persona expresa asina e ta mustra debilidad di argumento, pasobra e expresion tin un base sentimental y nada otro. Hopi anja nos tin ta presencia weganen di futbol, pero nos no por bisa cu nos a nota un discriminacion manera e remitente a menciona.

Cu tin referi bon y cu tin referi malo nos ta completamente d' acuerdo cu e remitente, pero e tin cu ta comete abuso principalmente contra di teamnan di campo, esey si nos no ta di acuerdo cu ne.

Nos a yega di comenta un blaha caba ariba e hecho cu ta mucho mas facil pa busca error cerca un otro cu cerca donjo di culpa mes. Y esey nos ta mira atrobe cada blaha den encuentronan di deporte.

Tambe nos ta hanja malo e idea di e remitente pa e referi bebe un botter di whisky promer cu e bolbe dirigi un wega. No ta un conseho cu lo yuda e deport den ningun sentido.

Entrega di copa di ajedrez den Club Union na Scharloo

WILLEMSTAD -- Den Club Union na Scharlooweg presidente interino Señor Tiepen a tuma palabrapara tras di un mesa yena di premionan di Nederlands Antilliaans Schaak Bond, exactamente och'or di anochi.

Un momento e tabata para keto, ora cu e ajedrecistanan di Corsow tabata bai cuminsa e di 20 campeonato di ajedrez di Corsow.

Esaki tambe tabata e rason principal pakiko nan tabata hunto, Tur e hungadornan favoritonan y batazonan tabata sinta tras di nan borch, cu oloshi y boeknan di anotacion.

Durante casi dies minuut largu señor Tiepen a yama ajedrecistanan na e mesa di premionan. Y nan tabata, pa cuminsa Mr. A. H. Roose, cu recientemente a logra un victoria di dos-uno riba Piet Bongers di Aruba pa titula campeón di Antillas, 1966.

Despues a sigi señor Meriën di e club S.V. Capablanca, quende tabatin e honor di ricibi e copa "G.J. Schötteleindreier. E aplauso aki tabata gandi y largo.

Pa motibu, cu manera señor Tiepen a recorda, cu despues di tur e torneonan cu tabatin pa campeonato di equipo durante e ultimo anja, por fin Capablanca a logra corona campeón.

Señor de Jong di S.V. Curacao, capitán di e segundo equipo, a ricibi e bunita Magnavox-Cup for di man di señor Tiepen.

Señor Zonenschain despues ta ser yama dilanti. Econocido ajedrecista aki, logra pa di diesun blaha, pone man riba e titulo di snelschaken, di nos isla.

E anja aki sinembargo no tabata asina facil. Señor Moron, un compañero di su equipo a dunele gran batalla y tabata sigulele cu diferencia masha chikitu.

Partidonan decisivo tabata necesario pa dicidi ganador di manera cu Señor Moron mester a keda cu e segundo puesto, cual a ser recompensa cu un copa obsequio di N.A.S.B. Tercer den e torneo el a bira señor H. Roose cu ademas di e ricibi e copa mas chikitu, por a regresa cas, cu e trofeo mas importante di tur e premionan cu tabatin disponibel.

Despues di e entrega di premio, señor Tiepen a duna algun informacion riba e torneo Interzonal cu

ta ser spera di parti di FIDE, cu te organismo mundial di ajedrez.

Awor na e congreso di FIDE na Havana ta ser discuti cu si ta asina interesante y importante, cu esaki lo pasa pa Corsow (segundo parti) o Puerto Rico na 1967.

Alavez esaki lo ta un grandioso propaganda pa Corsow, ya cu e Torneo Interzonal cuta ser dicidi entre 23 hungador di tur zona di ajedrez mundial durante un luna y mei, lo pone Corsow den noticia deportivo rond mundo.

Den e torneo aki lo sali e candidatonan pa e "Torneo di Candidatonan" (cu aki na Corsow ta hopi conoci).

Koninklijke Nederlandse Schaak bond, di cual N.A.S.B. ta un organizacion chikitu, ta apoya e proposicion fuertemente na e congreso na Havana. Hopi di e nacionnan di ajedrez, sa cu Corsow por duna un organizacion di calidad.

Despues di algun informacion di e torneo pa campeonato Corsow, Señor Tiepen a desea t'hende hopi exito.

NANDO NA ARUBA OTRO LUNA.

Di bon fuente nos a wordu informa cu Sugar Boy Nando, e campeón Antiyano den peso medio cu tin hopi luna den estranheria, lo bolbe Aruba pronto pa aki enfrenta e Portorikenjo Jose Fernandez.

E Portorikenjo aki ta aparece como retador number cuater den e ultimo edicion di e famoso revista mundialmente reconocí "The Ring".

Manera ta conoci Nando ta aparece ainda den e promer dies aspirantenan na e titulo mundial. El a bolbe wordu filia den e ultimo "The Ring".

Su manager Henk Ruhlman ta haciendo esfuerço pa realisa un pelea entre Nando y e Portorikenjo na Aruba.

Ta existi un posibilidad cu esaki tuma lugar den luna di december.

POSICION

(Di Nos Redactor Deportivo)

(campeona
E campeonato di volleyball su posicion ta di e siguiente manera)

TEAM	HUNGA	GANA	PERDI	PUNTOS.
1. Rapid I	6	5	1	10
2. La Fama II	4	4	0	8
3. Braziel	3	1	2	2
4. Zeemacht I	3	1	2	2
5. Rapid II	5	1	4	2
6. Estrella	3	0	3	0

CABAYEROS "B"

1. Sint Jans Knapen	6	5	1	10
2. Amstel	4	4	0	8
3. La Fama II	6	3	3	6
4. Zeemacht II	5	2	3	4
5. Connie Francis T	6	1	5	2
6. Rapid B	5	1	4	2

DAMAS

1. Connie Francis T	6	4	2	8
2. Volleymasters Red	4	3	1	6
3. La Fama I	5	3	2	6
4. La Fama II	3	1	2	2
5. Volleystars White	4	0	4	0

EDWARD BROOK POR BIRA E PROMER SENADOR DI COLOR

Pa TOM NOLAN

BOSTON (NEA) Massachusetts ta e estado di hende high-cu otro palabra e candidatanan cu ta busca puestonan importante lo mester tabata di desendiente irlandes of Italiano pa nan por gana un eleccion.

Esaki tabata e caso te e anja aki. Republicano Edward Brooke ta un homber di color. Den mayoria di caso esaki solamente tabata motibu pa sigura cu e no por ser elegi pa nada, pero sin embargo e por bira e promer homber di color cu ta ser eligi como Senador.

Republicanonan modera ta speira cu su eleccion lo yuda pa limpia e efectonan cu a queda despues di e campanja anti hende di color cu a ser hiba pa Barry Goldwater na 1964.

Pakiko Brooke ta un Republicano ta dificil pa bisa. Den un estado caminda tin muchu mas tanto Democrat cu Republicano (1.1 million di Democrat contra 600.000 Republicano) y caminda tambe casi semper e Democratnan ta gana, unabogando ambicioso (Brooke a studia

na Boston College) cu no ta den partido Democratico no tini masha chance di logra nada.

Brooke sin embargo, a hanja cu e hecho cu e ta Republicano ta algu sumamente logico. 'Partido Republicano no tabata por a produci e solucionnan necesario pa e problemanan cu a ser crea debido na cambianan economico y social,' e ta bisa. 'Pa por haci Partido Republicano un instrumento cu lo por enfrente e problemanan aki ta un desafio, y ami ta gusta masha di enfrente un desafio.'

Tabata tin mas rason. 'Mi ta kere masha den e sistema di dos partido. Si no tini un oposicion fuerte, e partido cu ta na gobierno tambe lo produci menos.'

Brooke a demonstra caba cu e ta un politico di capacidad durante di su exitoso campanja di 1964.

Den un anja caminda ser conoci solamente como un Republicano tabata un peliger grandi, Brooke a ser re-eligi como Procurador General di Massachusetts cu un mayoria di mas di 800.000 voto, cu tabata e mayoria di mas grandi cu ningun Re-

publicano a logra di hanja na 1964 y tambe e mayoria di mas grandi di cualkier Republicano den historia di Massachusetts.

Despues di a establece su mes como un Republicano, Brooke su trabau di mas grandi tabata di no parece como un Republicano.

'Ora cu mi ta trata di solucionar un problema, minota pensa riba un solucion Democrat of un solucion Republicano; e ta bisa. 'Mi ta pensa riba e mihor solucion.'

Tuma por ejemplo e asunto di Vietnam. Brooke su adversario, Democrat Endicott (Chub) Peabody, un ex-gobernador di estado ta completamente di acuerdo cu e politica di Presidente Johnson tocante di Vietnam, Brooke ta di opinion cu e presencia di Merca na Vietnam ta justifica; pero e ta contra di cualkier intento pa intensifica e guerra na Vietnam. Di e manera aki Brooke a pone su mes net mei mei di e dos gruponan cu ta existi na Merca, esnan cu ta hanja cu Merca no tin nada di haci na Vietnam y esnan cu ta di opinion cu mester intensifica e guerra y cabe rapidamente.

Un actitud asina por ta desastroso pa un homber di menos capacidad cu Brooke, pero Brooke ta justifica su posicion bisando: 'E asunto di retira for di Vietnam of di intensifica e guerra no por ta un politica, pero ta solamente un manera pa evita un verdadero solucion di e problema'.

Tocante di derechonan civil, practicamente no tini diferencia entre Brooke y Peabody. Tur dos ta apoya e movimiento por completo.

Pero Brooke - practicamente ta e unico lider di color - cu nunca no a participa den ningun demonstracion of marcha na favor di derecho civil. E ta completamente contra di e movimiento di black power. Semper e tabata di opinion cu ley mester ser respecta.

'Minorianan nunca no a logra igualdad a base di desorden', e ta bisa.

E actitud aki ta haci Brooke aceptable pa e gran cantidad di blancu cu ta vota semper pe. E asunto di derecho civil lo no ta di masha importancia e anja aki na Boston, pasombra no tini diferencia entre e punto di bista di Brooke y di Peabody. Ainda e votadornan di Massachusetts ta recorda con e mama di Peabody a ser arresta na St. Augustine den estado di Florida pasombra e la viaja bai alla esepialmente pa a participa den un demonstracion na favor di hende di color.

Brooke ta un candidato placentero. Su sonrisa ta sympatico y ta mustra natural.

Peabody mes ta admiti cu e ta serio y cu su sonrisa hopi biaha ta parece como forsa.

Aunque cu Peabody ta menos agresivo cu Brooke, Peabody lo hanja hopi ayudo. Tantu Presidente Johnson como e Senador di New York Robert Kennedy a declara cu nan lo bin duna un man.

Y durante di e ultimo siman, Senador Edward Kennedy, e politico di mas popular di Massachusetts lo ta completamente na disposicion di Peabody. (E motibu ta visto: Ed Brooke como Senador di Massachusetts, por bira un otro atraccion nacional, pero Peabody lo ta simplemente un otro Senador).

Aunque cu un survey cu a ser tuma na Augustus ta bisa cu Brooke ta hiba algun ventaga riba Peabody, e hecho cu Partido Democratico ta uni na Massachusetts ta haci cu Brooke su eleccion no ta asina sigur.

Brooke no ta hanjando ayudo di afo, ni tampoco muchu placa. Su presupuesto pa su campanja ya a ser rebaha tres biaha, di 750.000 dollar pa 450.000 y awor pa 330.000 dollar. Pero e ta custumbra cu esaki. E la hiba henter un campanja na 1960 (e la perde) pa solamente 17.000 dollar.

Brooke mes ta hanja cu e diferencia nan mas grandi entre e y Peabody ta: 'Peabody ta completamente di acuerdo cu e programa di Great Society di Presidente Johnson. Esaki no ta e motibu pa cual mester elegi un senador. E ramonan ejecutivo y legislativo di gobierno no ta e mes un cos.'

PAN AMERICAN TA TENE PA STATION MANAGERS SEMINARIO NA CORSOW

WILLEMSTAD, -- For di anteyera tin un grupo internacional di Station Manager di Pan American Airways reuni na Corsow pa e di quinto seminario qu a ser organisa e anja aki door di e compania di aviacion.

E grupo qu awe pa di tres dia ta participando na e seminario na nos isla ta un grupo realmente internacional como quiera qu ta for di tur parti di mundu bini Corsow, partinan mes leeuw manera Iceland, Kongo, Fiji Islands, Tahiti, IJsland, pa dijes nombra un paar. Segun nos a ser informa durante un combersacion a meno qu nos tabatin cu dos altu ehecutivo di e compania aki, senor C.D. Yaggy, quende ta manager di

Atlantic Stations y senor S.M. Logan, Line Maintenance Manager quendenan tabata acompaña pa senor Max Perret Gentil di Maduro & Sons y senor W.H. van der Ree, Station Manager di PAA na Corsow, e seminario qu actualmente ta tumando lugar pa promer biaha na Corsow ta trata principalmente riba e asunto di servicio den tur aspeccionan, for di Handling di maieta te cu Servicio den aire.

E seminario aki ta ser tene tur anja na diferente pais pa mehora e servicio ya cu manera e situacion ta actualmente den e ramo di aviacion, tur compania ta cobra mes prijs pa tur ruta di manera qu e acento pa atrae pasahero y pone nan biaha cu e

compania aki ta bin cai riba e servicio cu nan por brinda.

Pa logra duna e mesun servicio na tur parti di mundu caminda PAA ta aterrizza, nan ta tene e conferencianan aki y asina logra "standardizacion" esta duna igual servicio na epasaheronan. Durante e combersacion diayera tardi, senor Perret Gentil a bin recorda e hecho cu PAA tin ya 37 anja ta bula riba Corsow ya qu e promer biaha qu un avion di PAA a baha na Corsow tabata riba Scadta-eiland, caminda actualmente Amstelveen brouwerij ta.

Durante e combersacion di ayera tambe senor Cal Yaggy a elogia e esplendido cooperacion qu semper a existi entre

PAA y Maduro and Sons y segun e por a recorda, ta trata aki di e relacion comercial y amical di mas largu cu cualkier otro compania tin cu PAN American. Un aspecto importante di e seminarionan, manera esun qu ta tumando lugar awor aki na Corsow, ta cu e otro station managernan por sinja un di otro di nan experiencianan pa asina continua cu desarollo di e concepto di qu ta e viahero ta rey. Ta pesey nan ta hanja instruccion con organisa di e manera mas eficiente, esepialmente en vista di e actual

evolucion den e ramo aki, pa e pasahero hanja e mihor servicio all-round.

Segun senor Cal Yaggy a declara, e seminario qu ta tumando lugar na Corsow ta un di esunnan mas exitoso qu nan a tene te ainda y esepialmente e cooperacion qu nan a hanja di parti di gerencia di Hotel Curacao y e organisacion di parti di Maduro and Sons, tabata excelente.

Awe ta e ultimo dia di e seminario aki. E proximo lo tuma lugar na Viena promer cu anja caba.

Polisnan ta tira riba demostrantenan na India

NEW DELHI -- UPI -- Polisnan tira riba demostrantenan den cuater ciudad di India pa trata na domina disturbionan izquierdista.

Por lo menos cuater persona a ser mata pe tirunan, cu cual e cantidad di bajnan a yega te na 17 den varios dia di desordenan.

E actonan di violencia, inspira pa e partidonan izquierdista a complica su mes cu un welga di protesta contra e represion policial. Hopi negoshinan a serra nan portanan pa un dia.

Den varios ciudadnan e gruponan a atake wardanan di polis, saque stacionnan ferropvarlo, banco y oficinanan di Gobierno. Tambe nan a sende treinnan na candela, y destrui autobus y otro medio nan di transporte.

Marina a ser yama pater custodia e instalacionnan portuario na Visakhapatham, na unda nuebe persona a ser mata den e ultimo nueve dianan aki.

Esaki ta e di cuater dia di violencia den e estado Andhra Pradesh na unda e gruponan, encabezada pa studiantenan, tabata exige qu un central siderurgica di Gobierno lo mester ser construi na Visakhapatham, sede di e unico astillero estatal.

Di acuerdo cu e prome noticianan qu a ser ricibi na New Delhi, dos persona a ser mata pa polisnan ora cu esakinan a tira contra un manifestacion di alrededor di 4 mil persona na Vizianagran, na mas o menos 15 kilometer for di Visakhapatham.

E forsanan policia mester a tira, igualmente den e centro Hyderabad, capital di Andhra Pradesh y den otro dos ciudad.

**ABONA RIBA
ARUBAANSE
COURANT.**



Nelson Rockefeller ta den full swing pa e campanja politico na Merca pa e proximo eleccion. E ta buscando pa ser re-eligi como gobernador di New York. -- UPI Radiophoto.



MAMA, DUNA BO JUI UN CHANCE pa Don Oakley

Ta sumamente difícil pa un persona joven cambia mundu, pero ora cu su mayornan ta completamente contra di esaki, e ta bira casi imposibel.

Segun Jack Hood Vaughn, director di e Cuerpo di Paz di Merca, 'preocupacion di mayornan' ta responsabel cu por lo menos un tercera parte di e jovennan cu kier participa den e Cuerpo di Paz ta hala atras.

'Tin muchu mucha mara na saya di nan mama,' e ta bisa, agregando cu e tata-nan tambe ta contribui fuertemente na e 'proteccion' di nan jiu.

Mayoría di e mayornan tini di e dos miedunan aki - cu nan jui mujer lo no ta safe den un pais estranjero of cu nan jui hombre lo perde e chance di lhanja un bon trabau si pa dos anja largu e ta den e Cuerpo di Paz.

Mucha mujernan cu a participa den e programa di e Cuerpo di Paz a declara pa mi cu en realidad nan ta sinti nan mes mas safe den un pais estranjero cu den calla

di hopi ciudad na Merca. Ademas nan ta sinti nan mas tranquil pasombra nan no ta sinti e presion social di cu nan mester weta tur joncuman como un posible esposo. Y asina nan ta descubri loke en realidad nan kier ta y no loke nan mester ta.

Pa loke ta e mucha hombernan, esnan cu a traha dos anja den e Cuerpo di Paz, constantemente ta ser busca pa companianan cu ta busca hende cu experiencia den estranjeria.

E mayornan di Merca 'no tin nada di perde,' Vaughn ta bisa. Tur loke nan mester haci ta laga nan jiu nan dicidi pa nan mes.

MAS ALA PA COMERCIANTENAN

Avion awor a bira un cos cu ta indispensable pa hopi compania Americano. Avionnan di ejecutivonan di compania ta acumula casi mitar di e total di milla cu ta ser alcan-sa pa tur avion di e pais, y e avionnan aki ta birando mas grandi y mas rapido.

E avion di mas grandi y mas rapido pa companianan priva a haci su vuelo di prueba recientemente. E avion aki ta e Grumman Gulfstream II cu ta capaz di alcanza velo-cidadnan di 585 milla pa ora y por bula di New York pa Los Angeles nonstop, mien-tras tini un biento di 90 nudo ta supla contra dje.

E ta bula na un altura di 40 000 pia, cual altura e ta alcanza 15 minuut despues di lanta for di terra, y e por carga 30 pasajero - cu ta mas pasajero cu e DC-3 taba-ta por a carga.

Prijs pa cada un di e avionnan aki ta 2 million di dollar, pero no obstante e prijs ei, ya caba 55 compania cu a haci na 'down payment' pa compra un di e avionnan aki, cu segun ta ser plania lo bai den produccion otro anja.



VIETCONG A PERDE UN PARTI VITAL DI NAN SOSTEN

Pa RAY CROMLEY

Fuentenan yega di Vietcong a bisa cu nan lidernan a cuminsa preocupa pa via cu nan no ta hanjando e apoyo nesario di e campesinonan di clase media.

E campesinonan aki di clase media ta e wesu di lomba di Vietnam.

Ta esaki ta e grupo for di cual Vietcong a saca nan lidernan di mas capaz den pasado. Mao-tse-tung a sali for di e grupo aki na China. Asina tambe hopi mas di e lider-nan di e hurarquia bieeuw. Ta for di e clase aki tambe e lider jovennan Comunista, e lidernan pa futuro mester sali.

Si e partido Comunista no por soluciona nan dificultadnan cu e grupo aki, anto Viet-cong probablemente lo caba na nada pa via di falta di lidernan joven, capaz y vigoroso.

No ta solamente pa e liderato di partido, sino tambe pa e lideratonan economico cu e Comunistanan mester depende di e grupo di campesino di clase medio. Sin nan liderato, e control di economia ta cay completamente den man di e comer-ciantenan chinees.

En parte e Comunistanan a bira victima di nan mes propaganda. Nan a grita tocante di e malhecho di e donjonan di terra asina tantu, cu e fanaticonan den e partidoo ataca e campesinonan di clase media tambe huntu cu e campesino ricu nan.

Vietcong a corre cu tur e campesinonan ricu. Nan a haci esaki parcialmente cu terrorismo, mientras cu na otro lugar nan a hacie door di cobre belasting cu tabata mas cu loque henter su cosecha tabata produci. Pasombra nan a terrorismo, of pa-sombra e no por paga e belasting, e ta corre bai. E Comunistanan e ora ei ta acapara e cunucunan 'abandona' y nan me's ta explote of nan ta huur e cu un tercer perso-na.

Vietcong na hopi caminda tabata tini masha exito cu e campesino pover. E exito aki ta debido en parte pasombra nan a confisca terrenonan di e ricunan y partie pa e pobernan, sin cu esaki a costa Vietcong ni un cent.

Aunque cu na hopi lugar nan a hisa belasting fuertemente, toch nan a logra di convence e campesino pover cu si gobierno bini back nan lo quitta su terra for di dje atrobe.

Pa via di propaganda intenso, nan a convence e campesino pover cu ta mihor paga belasting haltu y ta 'donjo' di e terra, cu si nan no tini terra at all.

Ora cu e campesino pover cuminsa duda, e Comunistanan ta bise pa e bai weta na e oficina di administracion di gobierno. E nan logicamente e campesino ta weta cu te ainda e terranan ta na number di e donjonan cu mester a corre bai.

Nan ta bise cu si e kler keda cu su terra e mester bringa contra di e gobierno cu kier quitta e terra for di dje. E no sabi kiko ta pasa cu e campesinonan pover ora cu henter e pais bira Comunista, manera a sosode na China y Nor Korea.

Pero na hopi lugar Vietcong a logra di pone e campesino di clase medio tambe

contra di dje. E orden di e lidernan di e partido tabata pa no destrui e clase medio, pero pa quitta e terrenonan cu e mes y su familia no tabata por a traha for di dje. Den practica sin embargo e grupo di partidarianan local a amenasa mes cos cu nan a amenasa e campesino ricu nan.

Manera un lider Comunista pa tres provincias a bisa den un informe na su supe-riornan:

'Nos accionnan a spanta e clase media y e la bira inproductivo....Mientras cu antes tabata facil pa mobilisa pa participa den e lucha den districtonan y un promedio di 300 pa pueblito tabata participa den tur operacion, awor ta dificil pa mobilisa te hasta 50 homber.'

Den Vietnam di antanjo, e campesino pover, semper tabata ser sostene durante di tempunan malu pa e donjonan di terreno, e donjonan di terreno aki tabata cobra e campesino hopi interes pa a yude, pero a lo menos e tabata ser yuda. Awor cu nan no tel mas e campesino pover tambe hopi blaha ta hanja su mes den dificultad grandi, pasombra e Comunistanan no a bini cu un organisacion cu lo por reemplaza e tarea aki di e donjonan di terreno.

Awor un oficial di Vietcong ta raporta: E campesino di clase medio no ta fia e campesino pover. E campesino pover ta rabia cu nos pasombra e no tabata por a fia placa pa compra similla pa e planta su terreno.'

HOROSCOPO

ARIES- mar. 21 a abril 19-Si penetra en el mundo de las actividades podrá hacer un progreso grande y evitar posibles disgustos en su casa. No espere más de lo que le pertenece por derecho.

TAURO- abril 20 a mayo 20-Aunque las tareas que tiene delante parecen interminables, prepare su trabajo temprano y le resultará fácil. Haga primero las aburridas para dejarlas terminadas y queda ocuparse después de las más complicadas.

GEMINI- mayo 21 a jun. 20-Sus buenos compañeros pueden llevarlo a gastar más por la diversión de lo que había anticipado, pero un poco de fuerza de voluntad lo ayudará mucho. Ellos no tienen que saber nada sobre su saldo en el banco.

CANCER- jun. 21 a jul. 22-Los métodos ortodoxos son los mejores, puesto que los experimentos pueden ser muy costosos. Evite la varicia. Obtenga ideas de sus superiores, las cuales pueden ser muy beneficiosas.

LEO- jul. 23 a ago. 22-Estudie métodos nuevos de operación que sean superiores a los que está usando, pero no haga cambios todavía. Resuelva los problemas en su propia mente. Demuestre que tienen talento.

VIRGO- ago. 23 a sept. 22-Hoy es el día en que debe hacerle frente a las obligaciones que no ha podido ocuparse más temprano y tarde de la obsesión que lo persigue. No fuerce un idilio

amoroso. Espere un momento más propicio.

LIBRA- sept. 23 a oct. 22-Considere con más cuidado lo que otros esperan de usted y mire si cuadra con su propio concepto de lo que debía estar haciendo. No se meta en una discusión entre asociados y superiores. Se perjudicará.

ESCORPION- oct. 23 a nov. 21-Aunque tiene mucho trabajo delante, usted querrá salir a divertirse y la única manera de hacerlo es sincronizando su tiempo como es debido.

Lo mismo es verdad para las semanas que se avecinan.

SAGITARIO- nov. 22 a dic. 21-Busque maneras menos costosas de divertirse, que sean a la vez tan entretenidas y quizas aún más. Uno que lo admira está metido en un problema y puede mostrarse brusco. Pero ese será temporal.

CAPRICORNIO- dic. 22 a ene. 19-Salga temprano de su casa para que pueda evitar la discusión que hay en estos momentos. Ocupese de sus negocios y podrá lograr mucho. Tenga cuidado en lo relacionado con su propiedad. Evite pérdidas.

ACUARIO- ene. 20 a feb. 18-Usted deberá tener un poco más de cuidado cuando camine o guíe su automóvil o podrá tener un accidente.


Cerciórese de que le entreguen el cambio correcto en sus tratos con otros.

PISCIS- feb. 19 a mar. 20-Usted cree que el dinero puede comprar todas las cosas en este mundo, pero eso no es verdad. Adhiérase a la Regla Aurea y todo saldrá bien. No se olvide de hacerle esa reparación a su casa. Será uno de esos individuos que desde temprano, demostrará un gran deseo por los lujos de la vida.

QUITO -- UPI -- E presidente interino di e Republica di Ecuador Clemente Yerovi Indaburu, a condena e "Carrera armamentista na America Latina", bisando qu "nan ta gasta gran cantidad di placa den un carrera armamentista sin brake ni control, den experiencianan nuclear belica nobo costoso mientras qu den algun skinan di mundu millones di sernan, humano ta biba di mi-

seria of simplemente ta muri di hamber".

Yerovi Indaburu, quende a papia durante un banquete qu a ser ofrece na honor di e presidente di Chipre, arzobispo Makarios, a agrega qu "awe mas qu nunca ta precies qu den un comunidad internacional un lenguaje di sensatez ta ser usa; padilanti di tur cos un meta so y un objetivo so; esun di concordia universal".



Jonathan Beaumont di 12 aña ta mirando e bapor miniatura aki boca habri. E tin razon pasobra ta e bapor di mas grandi di mundu, di construccion Japones, Tokyo Maru di 209,000 tonelada -- UPI Radio-photo.



COMPLETAMENTE GRATIS CLA, MIENTRAS BO TA WARDÁ

Haciendo un bishita na nos optica lo bo prolonga duracion di bo bril

Durante bo bishita nan lo;

Limpia y poleer bo montura;

Cambia e schroefnan cu ta necesario;

y despues test e bril na bo cara.

Tur esaki gratuitamente.



116.228

bril...

E aparatonan mas moderno ta na bo disposicion pa fortifica bo glasan di bril. E tratamiento aki ta asina efectivo cu e glas por pasa un prueba, di cual e glas ta soporta e cada di un bala di stal cu diamater di mas di 2 centimeter for di un altura di 1,27 meter cu exito. Un bril cu e glasan aki ta protege wowonan di e personanan cu ta traha trabaoan peligroso pa nan wowo, y particularmente adecuado pa muchanan cu no por comporta nan mes cu un bril na nan cara y cu awor nan por hasi tur sorto di deporte y wega sin ningun clase di peliger.

a ser entrega te riba fecha di awe door di nos firma na Antillanan Neerlandes.



Mas di 100,000 cliente a tuma conseho cerca nos respecto e escogimiento asina importante den un esfera di profesionalismo, bon gusto y exactitud.

Dia Razon atardi porta di nos pacus nobo na Nassaustraata a queda inaugura pa bo.

Den e optica edifica especialmente pa e obheto aqui, bo ta hanja montura-

nan di bril exhibi den un sortido sorprendentemente grandi, mientras bo mes tin ocasion di scohe esun na bo gustu den nos bar di bril di solo.

Sr. M. "Mike" Hagedoorn y Sra. J. "Jane" Gomez-Lampkin mescos cu semper lo ta na bo servicio den e escogimiento responsable di bo bril, mientras e parque di maquina hypermoderno - visible pa bo for di espacio di venta - cual lo facilita nos na satisface bo deseonan mas rapido cu antes.



optica moderna

SPRITZER + FUHRMANN

ARUBA

NASSAUSTRAT

ORANJESTAD

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHÉ VLAG

lechi evaporado y lechi en polvo

MAXWELL HOUSE KOFFIE



BOTICA DI WARDA

NACHTDIENSTEN: Oranjestad
Botica Oduber Tel.: 1780
San Nicolas Botica San Lucas
Tel.: 5119

PELICULA

De Veer: 8.30 p.m. "Altijd op Zaterdag avond" 18 j
Rialto: 8.00 p.m. "The Apartment" 18 j
Principal: 8.00 p.m. "The Sons of Katie Elder" all
Aurora: NO MOVIES
Savaneta: 8.00 p.m. "The Curse of the Fly" 18 j


DICK TRACY

presenta pa cortesia di:

VICTORIA BOTTLING COMPANY

PEPCI-COLA--SEVEN UP--G RAPETTE-KIST--

VICTORIA SODA WATER--BUFF ALO ROCK--GINGER ALE



PEPITA



EHERENCIA

"Nos mester bay cu un flash-light", Henk a bisa. "Ta bira seur tempran".
"Ay no nos por weta te ainda". Ana a pasa su brasa den di su tío y asina nan a sali pa keiro.
"Ba gusta e thee awe, asina ta hopi leuk y gezellig, otro for di un cocktail party".
"Gezellig", Ana a contesta.
"Pero con ba hanja senjorita Berg?" Despues di basta rato cu tío Henk a pensa ela bisa: "Ami a goze.
Tabataen berdad leuk pa mi por a topa cu jioe di tío William despues di tanto anja. Un mujer hopi aardig, cu bon manera. Un dama".
Aki Ana a ripara cu tío Henk a acepta senjorita Berg por completo. "Cuanto tempo pasa ba topa cu tío William?" "Mi no ta corda, mester ta mas cu cincuenta anja pasa. Pero esey no ta nada, awor nos a topa cu su jioe. Mi ta contento cu nos por mantene e laso familiar. Ta un cos bonita".
"Pero ami no ta pertenece ne familia". "Pero bo ta mescos cu familia. E cos di mejor cu bo mama a hasi den su bida ta dia cu ela larga bo cerca nos. Y e momento ey ba bira miembro di familia Berg".
"Danki", Ana a bisa. "Mi ta kere berde cu mitabatin suert".

"Tin biaha mi ta pensa cu nos t a pone bo traha mucho. Nos mester manda bo for pa bo educacion".
"Esey lo ta un castigo pa mi. Mi ta gusta e cas masha hopi y boso tambe. Y mi ta gusta trabao di cas". "Anto bo mester bay sigui un curso na un huishoud-school pa sinja tur cos mas mihor. Lo mi papia cu Mille tocante esey, asina nos jega cas". "Tio, mi no tin gana di sigui ningun curso. Mi sa hopi di trabao di cas. Y mi ta haya cu esey ta suficiente. Mi no ta haya nada abnormal pa mi ta satisfecho cu mi destino". E ta primi su braza contra su curpa. Nan a jega na fin di e caya. Nan mester pasa over di un hekki, pa alcanza e caminda cu ta bay pa Belhampton. Den e casnan tabata tin lusnan sendi caba. Ana Maria ta punta su mes si Gil Muller lo ta na cas. E ta sinti un emocion extraño, ora cu e ta acercando e careda chikito di e casnan. "Mi ta spera cu nos por haci algo pa e jiu muher di William", Henk ta bisa. "E ta mustrami masha solitario. Mi no ta gusta pa un miembro di nos familia keda asina solitario". "Bo ta masha orgulloso di bo familia no tío Henk?" "Si", esaki ta contesta. "Mi ta sintimi masha orgulloso mes". Ana Maria ta keda keto. Ta par-

ce cu tío Henk ta papia manera un hende pensativo. "Nos mester bay bek", Ana Maria ta bisa. "Mi a cab'i tende e holoshi di misa bati n. tar di shete. Famia Mortons ta bin come". "Ay Dios, ta berdad, esta lastima. Mi ta gusta akinan, y ta reina un tranquilidad masha dushi. Tin ora mi tin deseo pa nos cas ta akinan". Na e momento ey nan ta den e caya principal di e pueblo, y na fin di e caya Koningstraat ta keda. E bentananan di e casnan ta alumbrá, y huma ta sali di e schoorsteennan. Ana Maria tin deseo pa e porta di cas number 6 dal habri, y pa Gil Muller sali pafor. E tin gana di presente na su tío. E ta haya cu e dos homberan parece otro. Pero na su desilucion e porta a keda será. E cortinan ta será, y Ana Maria ta imagine cu Gil lo ta skirbiendo of lezando. Ora cu nan a jega na e misa, nan ta bay bek, man teni, y mientras e cacho ta corre nan dilanti, nan ta coy e mesun caminda cu ta bay Berg House, unda pronto e huespednan lo ta presente.

XXXX

Senjorita Berg ta dal e porta di su kamer habri, y ta laga su curpa cay riba e cama. E atardi ey el a cansa su curpa masha hopi. Maske cu e no a cana di

e tanto ey, toch ta parce cu el a cana masha hopi mes. Tur su curpa ta morde, y e ta sinti cu e no por pensa nada mas, su cabes tambe ta morde. Un deseo so e tin, y esey ta pa kita mas pronto posibel su shimies, bisti su house coat bjeew, y cay drumi. Si e por haya un bolsa di awa cayente awor aki, lo ta bon, pero ta mucho molester pe baha abou bay kenta awa. Despues di basta rato, e ta sinti un hende ta bati na su porta di kamer. Lies ta haci mescos cu e no ta tende. E no tin gana di papia ni cu Fanny na e momento aki. Si e keda keto, sigur su amiga lo pensa cu e ta na sonje. Pero atrobe e ta bo lbe bati. Srta Berg ta sera su wowonan. E no kier ningun hende strobe awor. E ta sintie masha cansa y tur ta culpa di Fanny mes. Ta e a forze pa haci e bishita ey. Pero e biaha aki Fanny ta bati mas duro y ta bisa: "Ta ami Lies mi a traha un dushi koppie koffie pa bo y mi a sende e kachel tambe. Bo ta baha bin contami con a bay?" "Mi ta morto cansa". Senjorita Berg ta contesta. "Y ya mi ta kita mi panja caba". Fanny a habri e porta y ta bisa: "Ay no, mihor bo bin contami, sino awenochi mi no por drumi, si bo no contami tur cos. E koffie ta cla caba, y banti e kachel ta dushi pa sandi awor."

e strep di su house coat, pasa un penja den su cabey blanco, y ta sali bay. Senjorita King a pone e stoel di sosiego bandi e kachel. Y e mes a cay sinta riba e pof. Tin un teelblachi cu dos koppie koffie cayente riba un mesa chikito. "Bin numa Lies. Sintabo, mi jiu, y contami exactamente tur cos. Kiko nan abisa, y ki clase di cas nan tin, y kiko nan a dunabo di come of bebe?" Cansa senjorita Berg ta vav sinta. E cayente di e candela y e holo dushi di e koffie ta pone sinti bon.
Awor si e no tin gana di bay bek den su kamer. "Wel, nan a tratami masha bon mes", Lies ta cuminsa conta. "Masha bon mes, especialmente e mucha homber. E mes a trecemi cas den su auto". "Asina?" "Ewowonan preto di senjorita King ta brilla mescos cu boton. "El a bahabo te dilanti porta?" "Sigur no", Srta. Berg ta contesta, mientras e ta coy su koppie koffie. "Comprendemi bon, Fanny, e cos no ta completamente manera mester ta. Si mi corda riba e atardi aya, toch mi ta haya cu mi tabata masha falso. Mi ta sigur, cu mi a duna e hendenan un impresion completamente robes y....", e ta pone su koppie bek y ta hala mas serca di su amiga. "Y ya mi no ta kere mas cu ami ta familia di nan. Awor mi sa cu nan ta completamente otro di nos. Tur mi familia semper a ocupa un puesto secundario, pero nan si ta rico. Mi no mester a cuminsa nunca cu e cos ey".

E ta sigui.